



Aqqaluaq B Egede
Inatsisartunut ilaasortaq, Inuit Ataqaatigiit

/MAANI

Indgået

4 JULI 2016

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

**Naalakkersuisut akileraarutinut tunngusunut suliniutaat pillugu § 37
naapertorlugu apeqqutit akineqarnerat**

Allakkap ullua: 22-06-2016
Suliap nr. 2016 - 10003
Allagaatip suussusia 3039479
J. nr. xx.xx.xx

Asasara Aqqaluaq B. Egede,

P. O. Box 1037

3900 Nuuk

Oqarasuaat +299 34 50 00

Nassitsigisuaat (+299) 34 63

50

E-mail: oed@nanoq.gl

www.naalakkersuisut.gl

Inatsisartut Suleriaasianni § 37 naapertorlugu, apeqqutit arlallit nassiuppatit Apeqqutit ilai aaqqissuusseqqinnernut suliniutaajumaartunut inatsisillu allanngortinnissaanut tunngassuteqarput. Isumaqaarpunga § 37 naapertorlugu apeqquteqaammut Naalakkersuisut tamanut tunngatillugu politikkiata itisilernissaa aamma suliniutaajumaartunut inatsisillu allanngortinnissaanut akissuteqarnissaq inissaminiingitsoq. Tassunga atatillugu eqqaamaneqassaaq, § 37-imi Inatsisartut suleriaasianni imaattunik allassimasoqarmat: "Apeqqutit naatsunnguussapput, ersarissuussapput, aalajangersimasumik oqaasertalersorneqassapput kiisalu tunngavilersuummik ilaqartinneqassallutik". Aammattaaq oqaatigineqarpoq, apeqqut "pisortat suliassaqarfianut" attuumassuteqassasoq.

Taarsiullugu siunnersuutigineqartut il.il. innersuussutigissavakka, Inatsisartut ataatsimiinnissaanut tamanut ammasumik saqqummiunneqartussat aamma Attassisinnaanissamut Siuarsaanissamullu pilersaarut, upernaakkut ataatsimiinnermi oqaluuserineqartoq.

Tulliuttuni apeqqutitit naqinnerit uingasut atorlugit allanneqarput.

1. Nunatsinni inuit atugaasa pitsanngortinnissaat siunertaralugu akileraartarnikkut, akitsuusiarnikkut allatigullu aaqqissuussinikkut qanoq iliuuseqarfiginiarpaat?

Aallaqqaasiullugu oqaatigineqartut innersuussutigineqarput. Upernaakkut ataatsimiinnermi Naalakkersuisut Attassisinnaanissamut Siuarsaanissamullu pilersaarutertik Inatsisartunut saqqummiuppaat. Pilersaarummi siunissami akileraartarnermut akitsuutinullu politikkiisaaq pingaarnertut imarisai allaasereqarput. Politikikkut suliap ingerlanera aallartinneqassaaq pilersaarutip erseqqissarneqarnissaa aamma aaqqissuusseqqinnernut inatsisillu allanngortinnerinut tungasut akuersissutigittinneqarnissaat siunertaralugit. Amerlasuunik isumaqatigiittoqarnissaa Naalakkersuisut kissaatigaat tamatumunnga ilanngullugu suliffeqarnermi illuatungeriit suliap ingerlanerani ilanngutitinneqarnissaat.

2. Sulinermik ilanngaataq naalakkersuisut tungaaniit qanoq ilusilimmik aamma sinaakkutissat qanoq killilersukkat, inuillu kikkunnut iluaquserneqassanersut erseqqissarsinnaavaat?

Suliffeqarnermut ilanngaatip allanit pilersorneqarnermut taarsiullugu suliffeqarneq pilerinarnerulersissavaa. Attassisinnaanissamut Siuarsaanissamullu pilersaarummi allaaserineqartut, suliffeqarnermut ilanngaat imatut pissusilerneqassaaq, inunnt sulisunut isertitakitsunut akunnattumillu isertitaqartartunut akileraarutitigut oqilisaassinerussalluni.

3. Sulinermit ilanngaat qanoq aningaasaqarnikkut sunniuteqassava nunatsinnut minnerunngitsumillu inuit sulinermit ilanngaammik atuisut qanoq aningaasatigut eqqorneqassappat?

Apeqqutigineqartumut 2-imut akissutigineqartut takukkit.

4. Akileraartarnikkut nutarterinissaq naalakkersuisuniit oqaatigineqartoq qanoq ilusilersugaassasoq takorloorneqarpa?

Apeqqutigineqartumut 1-imut akissutigineqartut takukkit.

5. Akitsuutitigut isertinniarneqartut aningaasarpasuit suminngaanniit isertinneqassappat, aamma kikkut akitsuusiinikkut eqqorneqassappat?

Aallaqqaasiullugu oqaatigineqartut innersuussutigineqarput. Naalakkersuisut akileraartarnermut akitsuutinullu politikkiat ataqatigiissumik aaqjissuussinermik atuutereersumik aallaaveqarpoq, ukiorpassuarni politikikkut amerlanerussuteqartumik isumaqatigiiffiusimavoq. Matumani atuuppoq ersoqatigiinnermik tunngaviusoq aamma "nukittunerpaat oqimaannerpaat nammassavaat" tunngaviusoq.

6. Pisuut eqqarsaatigalugit, soorlu assersuusiorutta 900.000 kr.-nik imaluunniit 1 mio.kr.-nik ukiumut aningaasarsisartut pissakinnerniik akileraarnerusalernissaat siunnerfigissallugu naalakkersuisut pissusissamisoorsoraat?
7. Naalakkersuisut akileraartarnikkut aaqjissuuseqqinnissaq pillugu allamik siunnersuutissaqarunik suut saqqummiussinnaavaat?
8. Inuiaqatigiinni pissakinnerit imaluunniit akunnattumik isertitallit eqqarsaatigalugit naalakkersuisut qanoq pitsanngorsaansamik siunnersuutissaqarpat?

Aallaqqaasiullugu oqaatigineqartut innersuussutigineqarput. Naalakkersuisut inuiaqatigiinni isertitanit tamarmiusunit akileraarutitigut isertitat tamarmiusut qaffannissaat siunertarinngilaat. Akerlianilli sulinermit aningaasarsianit akileraarutitigut apparneqarnissaa Naalakkersuisut kissaatigaat. Sulineq imminut akilersinnaasariaqarpoq. Naatsorsuutigineqarpoq, sulinermit ilanngaatip akissarsiakinnerit akunnattumillu akissarsiallit gruppiini, sulisuni, malunnartumik akileraarutitigut oqilisaatissagai taamaalillunilu gruppit taakkua aningaasaqarnerata pitsaanerulerneranut sunniuteqassalluni.

Akileraartarnerup ataqatigiissummik aaqjissuussaanerata aaqjissuuteqqinnerata imarisai erseqqarinnerusut Naalakkersuisut ataatsimiinnissani Inatsisartunut saqqummiussassaanni siunnersuutini takuneqarsinnaassapput.

9. Inuit suliffissaaleqisut inuiaqatigiinnilu aningaasartuuteqarfiunerpaat inatsisitigut nutarteriffigineqassappata qanoq siunertaqartoqarpa?

Aallaqqaasiullugu oqaatigineqartut innersuussutigineqarput. Attassisinnaanissamut Siuarsaanissamullu pilersaarut suliniutinik arlalinnik imaqarpoq, namminersortut ineriartorerulernerannut aamma taamaalillunilu sulisussarsiornermut suliniut annertunerulersitsivoq. Ilinniartitaanermut tunngasuni suliniutit arlallit aamma ilinniarnermut atatillugu suliffimmiinnernik suliniuteqarnerup sumiiffimmi sulisunit matussuserneqarnissaa pissarsiornerup qularnaarsinnaassavaa.

10. Inuit pissakinnerpaat akunnattumillu isertitallit akinut qaffakkiartortunut aningaasaqarnermikkut malinnaalersikkumallugit Naalakkersuisut qanoq aaqqiiniarpat?

Apeqqutigineqartunut 6-imit 9-imut akissutigineqartut takukkit.

11. Inuiaqatigiit nunatsinni sumi najugaqarneq apeqqutaatinnagu sapinngisamik naligiinnerusumik atugaqarnissaannik suliniuteqarneq naalakkersuisuniit aallartinneqarsimamava? Suut aallartinneqarsimappat?

Aallaqqaasiullugu oqaatigineqartut innersuussutigineqarput. Apeqqutit taamaattut Naalakkersuinikkut Ataqaatigiissaarisogaatigiinnit, Naalakkersuisunit, borgmesterinik KANUKOKA-millu sinniisuuffigineqartut, ilaatigut oqallisigineqartarput. Tamatuma saniatigut 2015-imut Nuna tamakkerlugu pilersaarusiameq apeqqut suliarineqarpoq. 2016-imut Nuna tamakkerlugu pilersaarummut, "Ataqaatigiissaarineq pisariaqartoq", taamatut pissutsit taamaattut suliarineqarnissaat naatsorsuutigineqarpoq.

12. Aningaasarsikkaat akileraarnerulersissavisigut aningaasarsiakitsut akileraarnikinnerutillugit?

Apeqqutigineqartunut 6-imit 9-imut akissutigineqartut takukkit.

13. Aatsitassarsiornermiit isertitat iluanaarutit nunatta inuisalu iluanaarutaat naalakkersuisuniit qanoq periuseqarfigineqassappat?

Ilisimaneqartutut Inatsisartut Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaat akuersissutigaat. Namminersorlutik Oqartussat aatsitassanit isertitai Aningaasarfimmiitinneqassapput. Aatsitassarsiornermut attuumassuteqartunik isertitanut allanut tunngatillugu Naalakkersuisut siunnersuutigaat, taakkua Piffissaq Ungasinnerusoq eqqarsaatigalugu Aningaasaliissuteqarnissamut Aningaasaateqarfimmut ilanngunneqassasut, tassa upernaakkut ataatsimiinnermi kommunit Namminersorlutillu Oqartussat missingersuusiorneq naatsorsuusiorneq pillugit Inatsisartut inatsisissaattut saqqummiunneqartumi, takuuk § 18.

14. Ilinniartitaaneq sipaarfiginagu pisinnaasat siuarsarlugit, inuillu nunatsinniittut ilinniagaqalersillugit siuarsaanissaq, atugarissaarnerulersitsinissaq, aamma aningaasarsiornermikkut qaffassaanissaq naalakkersuisuniit isumaqatigineqarnerluni?

Aallaqqaasiullugu oqaatigineqartut innersuussutigineqarput. Ilinniartitaanermut tunngasut sipaarfigineqarnissaat Naalakkersuisunit anguniagaangilaq. Attassisinnaanissamut Siuarsaanissamullu pilersaarutip aaqqiissusseqqinnissamut malitassaani 1-imi suliniutit arlallit oqaatigineqarput.

15. Suliffissaaleqisut amerlasuutigut ilinniagaqarsimanngitsuupput, aaqqissuusseqqinnermilu pisariaqarpoq iliuuseqarfigineqarnissaat. Tamanna Naalackersuisut qanoq iliuuseqarfiginiarpaat?

Apeqqutigineqartumut 14-imut akissutigineqartut takukkit.

16. Namminersornerup tungaanut sulineq pillugu arlalinnit isumaqatigiittoqarluarpoq. Isumaqatigiittoqarpoq, siuarsaanissaq kivitsinissarlu tamatta kissaatigigipput, tassannga piviusunngortitsinissaq angussagutsigu ineriartornermut tamatta peqataasariaqarpugut. Naalackersuisut naalackersuisutut unammilligassaq taanna qanoq iliorfiginiarpaat?

Ukkassinikkut namminersortut ineriartorneranni killiliussatut atugassarititat ingerlaavartumik pitsaanerulertikkiartorerisigut aningaasaqarnikkut imminut napatinnerup ineriartornera aamma danskit naalagaaffiannit ataatsimoortumik tapiissutit minnersumik isumalluuteqarneq qulakkiissavaa. Naalackersuisut isumaqarput, namminersulernissamut aningaasaqarnikkut imminut napatinneq pisariaqartoq.

Inussiarnersumik inuulluaqqusillunga
Med venlig hilsen

Randi V. Evaldsen